



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnje praćenje situacije i poduzimanje mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, postupajući po Naredbi Kantonalnog štaba civilne zaštite broj: 15-40-4-3326-5/20 od 23.03.2020. godine, u skladu sa odredbom člana 6. stav (5) Pravilnika o organizaciji i načinu rada Kriznog štaba Federalnog ministarstva zdravstva ("Službene novine Federacije BiH", broj 10/12), na svojoj sjednici održanoj dana 19.06.2020.godine donio je sljedeće

S M J E R N I C E o upućivanju pacijenata oboljelih od COVID 19

Ovim smjernicama utvrđuje se način upućivanja pacijenata oboljelih od COVID 19 - asimptomatski, sa blagom, srednje teškom i teškom kliničkom slikom, kako slijedi:

- Pacijenti sa srednje teškom i teškom kliničkom slikom upućuju se isključivo na Infektivni odjel Kantonalne bolnice " Dr.Irfan Ljubljankić" Bihać sa prethodno učinjenim RTG pluća u domu zdravlja prema prebivalištu pacijenta;
- Asimptomatski i pacijenti sa blagom kliničkom slikom smještaju se u kontrolisanu kućnu samoizolaciju, pod uvjetom da imaju uvjete za provođenje iste. Postojanje uvjeta za kontrolisanu kućnu izolaciju, kao i način daljeg tretmana pacijenata utvrđuju HES i mobilni tim doma zdravlja, a u okviru svoje nadležnosti (u slučaju nepostojanja mobilnog tima u domu zdravlja, potrebno je odrediti doktora koji će na osnovu pregleda i kliničke slike na licu mjesta procijeniti način daljeg zdravstvenog nadzora nad istima);
- HES je dužan sačiniti pismeni izvještaj o postojanju/nepostojanju uvjeta za kontrolisanu kućnu samoizolaciju, kao i izvršiti epidemiološko izviđanje i anketiranje lica u domaćinstvu. Ovaj izvještaj HES-a također mora sadržavati i podatke o članovima domaćinstva radi nadzora nad istima od strane Zavoda za javno zdravstvo USK (u daljem tekstu: Zavod). Mobilni tim u čijem sastavu je obavezno prisutvo ljekara obavit će pregled pacijenta, te na osnovu kliničke slike istog predložiti način provođenja zdravstvenog nadzora (kontrolisana kućna samoizolacija ili smještaj na Infektivni odjel Kantonalne bolnice „Dr. Irfan Ljubljankić“ Bihać);
- Pismeni izvještaj HES i mobilnog tim (objedinjeni izvještaj) dostavlja se Zavodu, a koji daje mišljenje o načinu provođenja zdravstvenog nadzora nad istim, Ministarstvu zdravstva, rada i socijalne politike radi donošenja rješenja;
- Objedinjeni izvještaj uslijed potrebe hitnog donošenja rješenja, potrebno je odmah elektronskim putem ili putem fax. dostaviti Zavodu;
- Prije upućivanja asimptomatskih i pacijenata sa blagom kliničkom slikom na Infektivni odjel Kantonalnog bolnice „Dr.Irfan Ljubljankić“ Bihać uslijed nepostojanja uvjeta za kućnu samoizolaciju, istima će se također na osnovu uputnice ljekara mobilnog tima učiniti RTG pluća u domu zdravlja prema prebivalištu pacijenta, Izuzetak od propisanog odnosi se na Dom zdravlja Bosanski Petrovac, čiji će pacijenti, uslijed nepostojanja RTG uređaja u Domu zdravlja Bosanski Petrovac, ovaj snimak obaviti prije samog smještanja

na Infektivni odjel Kantonalne bolnice „Dr.Irfan Ljubijankić“ Bihać , u Domu zdravlja Bihać;

- Asimptomatski i pacijenti sa blagom kliničkom slikom, a koji se nalaze u kontrolisanoj kućnoj samoizolaciji moraju svakodnevno biti praćeni od strane porodičnog ljekara, uz obavezno evidentiranje svakog izvršenog praćenja i telefonskog razgovora kroz protokol;
- Ovim smjernicama zamjenjuju se Smjernice od 28.04.2020.godine;

Broj: 09-33- 6419-2/20
Bihać, 19.06.2020. godine

